

Հ Ա Ն Գ Ի Ս Տ
ԱՐԺԱՆԱԴԱՏԻՎ Տ. ՀՈՎՀԱՆՆԵՍ ՔԱՀԱՆԱ
ՏԵՐ-ՀԱՐՈՒԹՅՈՒՆՅԱՆԻ ՊՈՂՈՍՅԱՆՑ
(1878—1959)

Փետրվարի 12-ին, խոր ծերության մեջ, Թբիլիսիում ի Տեր Հանգյալ արժանապատիվ Տ. Հովհաննես քահանա Տեր-Հարությունյանի Պողոսյանցը:

Հանգուցյալը ծնվել էր Սպիտակում, 1878 թվականի ապրիլին: 1895—1897 թվականներին սովորել էր Գևորգյան ճեմարանում, և ապա 1900—1905 թվականներին ծառայել Բաքվի և Թբիլիսիի հայ եկեղեցիներում՝ որպես դպիր:

1905 թվականին ձեռնադրվում է քահանա Սևանի առաջնորդ Տ. Սարգիս հպիսկոպոս Փիլոյանից և քահանայադործում մինչև 1917 թվականը, իր ծննդավայր գյուղում, զբաղվելով նաև ուսուցչությամբ:

Հանգուցյալը հավատավոր, պարտաճանաչ, Հայ եկեղեցու կարգ ու կանոնին նախանձախնդիր հոգևորական էր և իր արդյունավետ պաշտոնավարության համար սիրված իր ժողովրդից և Գևորգ Ե կաթողիկոսի կողմից պարգևատրված՝ ծաղկյա փիլոնով և լանջախաչով:

Հանգուցյալը զբաղվում էր նաև գրականությամբ: Նա ունի բանաստեղծությունների, պատմվածքների, առածների, հեքիաթների և ֆարսերի ժողովածուներ: Այս բոլորի հետ միաժամանակ հանգուցյալը հայ հողի զավակ էր, սիրում էր իր ազատ ժամիրին զբաղվել այգեգործությամբ, մեղվապահությամբ:

Հանգուցյալի վերջին օծումը և թաղումը կատարվեց փետրվարի 15-ին Թբիլիսիում, հայոց Ս. Գևորգ առաջնորդանիստ եկեղեցում, հոգեշնորհ Տ. Նդիշե վարդապետ Սար-



գրսյանի նախագահությամբ, որը դամբանական խոսեց հանգուցյալի գաղաղի վրա, ծանրանալով նրա եկեղեցական և ժողովրդին նվիրված հոգևորականի գործունեության վրա:

Հանգի՛ստ նրա հոգուն:

«Յիշատակն արդարոց օրհնութեամբ եղիցի»:

